

آبونه اولق ایستیلر دائره عدلیه ده
اداره مخصوصه سنه مراجعت
ایملدر

اعلاناک بهرندن بر مجیدیه اخذ
ابدیلور

نسخه سی ۴۰ پاره در

تجدیدیه

نه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته احرقت اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

توجیهات

وظیفه مأموریتی حسن ایفاده . مشاهد اولان
مساعیسنه مبنی در سعادت برنجی تجارت محکمه سی
اعضا ملازمی رفعتلو عمر لطفی بکه رتبه ثالثه توجیه
بیورلمشدر .

نشان

وظائف مأموریتلری حسن ایفاده مشاهد
اولان مساعیسنه مبنی در سعادت استیناف محکمه سی
اعضاسندن عزتلو و یچین افندی به اوچنجی رتبه دن
عثمانی

تجارت بحریه محکمه سی اعضاسندن عزتلو مارقار
افندی به ایکنجی رتبه دن مجیدی

محکمه تمیز باش مدعی عمومیلکی معاونلرندن
عزتلو علی رضابک ایله در سعادت استیناف محکمه سی
مدعی عمومیلکی باش معاونی عزتلو مظهر بکه
اوچنجی رتبه دن عثمانی

در سعادت استیناف محکمه سی مدعی عمومیلکی
قلمی باش کاتبی عزتلو علی بکه اوچنجی رتبه دن
مجیدی نشان ذیشانلری احسان بیورلمشدر .

تبدیلات

مدیونک مشاعاً متصرف اولدینی خانه نک مسکن
شرعیسی عدلیه حجر و فروختندن مصون اولوب
اولدیغنک تعیینی استفسارینه دائر در سعادت تجارت
محکمه سی ریاست اولاسندن بالتظیم انجمن عدلیه به
تودیع و حواله قلنان ۱۲ ایلول سنه ۳۲۲ تاریخلی
مذکره اوزرینه مدیونک اشخاص سائر ایلهمشترکا
تصرفده بولنان خانه ده اسکان واقامت ایتمکده اولدینی
ویشقه املاکی بولمیدینی تقدیرده مسکن شرعیسی
عد و اعتبار اولنق ایجاب ایده چکی داین جانبندن

مذکور حصه نک مادونی کفایت ایده چکندن بحثله
صاتیله رق ثمنندن مدیون مرقومک حالته مناسب
مسکن تدارکی و فضله سنک الهجغه محسوباً طرفه
اعطاسی حقنده در میان اولنه جق ادعانک رد و قبولی
دخی مأمورین اجرائیه نک تقدیراته تابع خصوصاتندن
اولیوب هر حالده محکمه عانده سنجه تدقیقات و محاکمات
لازمه اجراییله و داین طرفندن مدیونک حالته مناسب
و مادونی اولق اوزره اراده اولنه جق خانه نک کفایتی
مسئله سنک تعیینیه بوباده و یریه جک حکم و قراره
توفیق حرکت ایدلک لزوم قانونیسنه کوره شو بولده
برادعا وقوعنده ایشک محکمه به سوقی اقتضا
ایده چکندن احوال مماثلده صور محرره دائره سنده
اتخاذ معامله اولنمسنک جواباً ریاست مذکوریه تبلیغی
افاده قلمشدر .

محاکمات و مقررات

محکمه تمیز استدعا دائره سندن تنظیم و اعطا
قلنان اعلامدر :

صاروخان سنجانی بدایت محکمه سی جزا دائره
سندن لاحق اولوب ۳۰ نشرین نانی سنه ۳۲۱
ناریخنده تفهیم ایدیلان صلاحیت قرارینی حاوی
اعلامک تمیزینی مستدعی محکمه مذکوریه مدعی
عمومی معاونلکی طرفندن و یریلان ۸ کانون اول سنه
۳۲۱ تاریخلی استدعانا مه و اوراق متفرعه سی باش
مدعی عمومیلک مأموریت بهیه سنک ۲۸ نیسان سنه
۳۲۲ تاریخلی تبلیغنامه سیله محکمه تمیز استدعا دائره سنه
تودیع اولنغله لدی التدقیق مذکور استدعانا مه نک
مدت قانونیه به موافق اولدینی اکللاشدیغندن اوراق
مرقومه دائره جه قرائت و مطالعه اولندی .

اعلام مذکورک مالی شا کرافدینک توتون و تنبا
کولرینی سوکوب چیقارمق و بوضرده فاملیاسنی ضرب
ایتمک ماده لرندن دولای مطنون علیم اولان رژی مأموری

مظهر بک و قو لچی باشی سلیمان اغا و رفقاسی حق لرنده
بدایه اجرا قلنان محاکمه نتیجه سنده رؤیت دعوی
وظیفه سی داخلنده اولدیغنه دائر و یریلان قرارک
استیناف ایدلسی اوزرینه جریان ایدن محاکمه
استینافیه ده ضرب دعواسنک رؤیتی جزا محکمه سنک
صلاحیتی داخلنده ایسه ده توتونلرک سوکیلوب چیقارلسی
مجلس اداره قضانک قراریه تعیین قلنان تحریرات کاتبی
خالداقدی طرفندن اجرا ایدلدیکی اکللاشمسنه نظراً
مستأنف علیه شا کرافدینک بوندن متولد ضرر و زیاننک
تضمینی ادعاسنک رؤیتی حقوق عادیه محکمه سنه عانده
اولدیغنه قرار و یرلدیگندن و مذکور استدعانا مه به مربوط
لایحه ده مندرج اعتراضاتک خلاصه سی دخی مدعی
شخصینک اقامه ایدلدیکی دعوی ضرب و توتون سوکوب
چیقارمق فعللرینه متعلق بولمش اولدینی حالده یکدیگرنندن
تفریق غیر جائز اولوب کرک حقوق عمومیه و کرک
بوندن متولد ضرر و زیان دعواسنک مرجع فصل و رؤیتی
محکمه جزائیله اولدینی حالده استیناف محکمه سی شوق نقطه
مهمه قانونیه بی نظر دقته آلیوب موافق قانون اوله رق
بدایه و یریلان قراری فسخ ایله مدعی شخصینک
حقوق محکمه سنه مراجعت ایتسنه قرار و یرمسی
مخالف قانون اولدیغندن و سائر دین بحثله مذکور
اعلامک تقضی طلبندن و تبلیغنامه نک مفادی دخی
لایحه تمیزیه ده در میان اولنان اعتراضات بحا کورلمش
اولمسنه مبنی اعلام مذکورک تقضی لازم کله چکی
بیانندن عبارتدر .

ایجابی لدی المذاکره اوراق موجوده مندرجاتنه
نظراً ضرب فعلی توتونک سوکیلوب چیقارلسی ائناده
وقوع بولدینی و ضرب و تضمینات دعواسنک برلکده اقامه
ایدلدیکی اکللاشمسنه نظراً رؤیتی محکمه جزائیله عانده
اولوب تفریق غیر جائز بولمسنه و اگر عدا لهما کمه ضرب
فعلی ثابت اولمز ایسه اولوقت تضمینات دعواسندن
دولای محاکم عانده سنه مراجعت ایدلک لازم کله چکنه
قرار و یرلک ایجاب ایدرایکن ابتدا تضمینات جهتک
بالتفریق محکمه حقوقه عانده بولندیغنه قرار و یرلسی
یولسر و مخالف قانون اولدیغندن اصول محاکمات جزائیله
قانوننک اوچوزا و ندرنجی و اوچوزا و نطقوزنجی
ماده لری احکامنه توفیقاً اعلام استینافی مذکورک
ذکر اولنان اسبابدن دولای نقضه و اوراق مرقومه نک

محله اعاده سنه ۱۸ تموز سنه ۳۲۲ تاریخده متفقاً قرار ویرلدی .

محکمه تمیز حقوق دائره سندن تنظیم واعطا قناتان اعلامدر :

بوزقیر قضاسنک صوران قریه سی اهالیسندن عثمان اوغلی حلیم چاوش ایله قریه مذکوره اهالیسی بیلرندمه متحدندعوایه دائر قضاء مزبور بدایت محکمه سندن ۱۳ کانون ثانی سنه ۳۱۹ تاریخی واللی ایکی عددی ایله ویریلان اعلام مرقوم حلیم چاوش طرفندن تمیز اولمغله باش مدعی عمومیک مأموریت بهیستک مطالعه نامه سی آلدقندن صکره اعلام مذکور طرفینک اعتراض وجواب لایحه لریله برابر بالمطالعه تدقیقات تمیز به اجرا سنه ابدار قلندی .

اعلام مذکورک خلاصه مالی مذکور صوران قریه سی اهالیسنک انتفاع واحطابنه مخصوص مرعی وبالطه قلابریه مرقوم حلیم چاوش بالمدخله اغاجلری قطع ایدرک قوریدن اون و مرعادن اوتوز دوئم مقدار محللری کندوسنه تولا اتخاذ ایتش اولدیغندن بمحله محال مذکور به وقوعولان مداخله سنک منعی طلب ودعوی ایتسی ولاجل الحاکمه تعیین قناتان کونده مرقوم حلیم چاوشک دعوت واقعه به اجابت ایتامسی اوزرینه محافظه حقوقی ضمتنده تعیین قناتان وکیل مسخر حضور یله جریان ایدن محاکمه و کشف وتدقیقات نتیجه سنده مدعا به محللر مذکور صوران قریه سی اهالیسنه مخصوص بالطله لقی ومرعی اولدینی اولبابده اقامه واستماع اولتان شهود معده لنک شهادت لری و کشفی متضمن اهل خبره طرفندن بالتظیم محکمه به اعطا اولتان راپور مندرجاته ثابت اولدیغندن محله نیک سکن یوز اون سکن زنجی ماده سی موجبجه مدعی علیه حلیم چاوشک کشفنامه ده حدودی محرر واهالی قریه عائد مرعی وقوریدن زراعت ایلدیکی مقدار معینه واقع اولان مداخله سنک منعه حکمدن و مستدعی تمیز حلیم چاوشک اشبو حکم علمپنده لایحه سنده محرر باشلوجه اعتراضی دعوی واقعه عقاره متعلق اولدینی جهته توجه خصومت ایچون اول امرده ذی الیدلکک بالینه اثبات اولمسی لازم کلورکن اثبات اولتامسی ومدعا به اراضی بیکری سنه دترو زراعت ایده کلدیکی خصملرنک اعتراضلرندمه بولندینی جهته مؤخر اقامه اولتان دعوانک عدم استماعی اراضی قانوننامه هایوننک یتش طقوزنجی ماده سی افاضسندن ایکن ماده مذکوره خلافه اوله رق استماعیه بر منوال محرر حکم اولمسی یولسر ومغایر

قانون اولدیغندن بمحله اعلام مذکورک قضی استدعا سندن ومدعی علیهم صوران قریه سی اهالیسنک لایحه لرندمه مندرج نتیجه جوابلری دخی اعتراضات مذکورک واهی و بی اساس اولدینی بیانیله ردی وموافق قانون اولان اعلامک تصدیقی طلبندن وسالف الذکر مطالعه نامه مالی ایسه دعوی عموم قریه اهالیسنه عائد بولمغله اول امرده اهالی قریه نیک قوم محصور اولوب اولدقنلرنک نفوس ادارسندن استفسار اولمسی ومنازع فیه مرعانک اهالی بهخصوص اولدیغه دائر قید رسمی به مراجعت اولتمسزین شهود شخصیه استماعنه بلا طلب قرار ویرلسی وشهود مرقومه نیک کرک صورت استماعی وکرک امر ترکیه لری تعریفات قانونیه دائره سنده اجرا ایدلامسی ونتیجه حاصله اوزرینه وکیل مسخردن سؤال اولتامسی مغایر قانون اولدینی بیانندن عبارت بولمشدر . ایجابی مذاکره اولدقده اعلام مذکور مندرجاتندن مستبان اولدینی اوزره دعوی واقعه عقاره متعلق اولق حبسیله توجه خصومت ایچون اول امرده ذی الیدک بالینه ثبوتندن صکره ایجاب ایدن طرفندن بینه طلب اولمقی واهالی قریه نیک قوم محصور اولوب اولدقنلری تدقیق ایدلک لازم کلورکن بولردن ذهول ایدلسی مغایر قانون اولدیغندن اصول محاکمه حقوقیه قانوننک ایکی یوز اوتوز ایکنجی وایکی یوز فرق برنجی ماده لری موجبجه اعلام مذکورک نقضیه قانون مزبورک ایکی یوز فرق دردنجی ماده سنک فقره اولاسی حکمنه توفیقاً کیفیتک تکرار بالرؤیه اعلامه ربطی ضمتنده محکمه مذکور به اعاده سنه واولجه مستدعی تمیز حلیم چاوشدن اخذ اولتان ایکی یوز بیکری بیق غروشه بوکره مذکور صوران قریه سی اهالیسی نامه آلتان اوچوز غروشه جمعا بشوز بیکری بیق غروشه مصارف تمیز به نیک ایلروده حقسز چیه جق طرفه عائد اولمسنه ۸ ایلول سنه ۳۲۰ تاریخده متفقاً قرار ویرلدی .

احمدک کیفیت قتلندن دولای جانیله اتهام اولتان محمد بن یوسفک اون بش سنه مدله کورک قونلسنه دائر سنیچه سنجانی بدایت محکمه سی جزا دائره سندن اعطا قناتان ۲۳ نومروی اعلام

موسایی قتل ایلدیکی ادعا اولمسنندن دولای جانیله اتهام اولتان راغب بن صالحک اون بش سنه مدله کورک قونلسنه دائر پرشته سنجانی بدایت محکمه سی جزا دائره سندن اعطا قناتان ۱۷۶ نومروی اعلام

زینب خاتونک معامله جبر وشدت اجراسیله

ذخیره واموال سائرهنی سرقت ایلدیگری ادعا اولمسنندن دولای جانیله اتهام اولتان خلیل بن محمد وخلیل بن علی عثمان وکلستان بن اسماعیل وشاکر بن حسنک اوچر سنه مدتلره کورک قونلرینه دائر کوملیجه سنجانی بدایت محکمه سی جزا دائره سندن اعطا قناتان ۲۰۰ نومروی اعلام

اورمانه آتش ویردک قولاشینی عثمان وشعبانک کلیملرنیک یانمسنه سببت ویردیکی ادعا اولمسنندن دولای جانیله اتهام اولتان حاجقه نیک اوچر سنه مدله کورک قونلسنه دائر سنیچه سنجانی بدایت محکمه سی جزا دائره سندن اعطا قناتان ۴۱ نومروی اعلام

حسن اوغلی حسینک قتل قصدیله سلاح انداخت وپدری علی قتل ایلدیکی ادعا اولمسنندن دولای جانیله اتهام اولتان رفیق بن علینک اون بش سنه مدله کورک قونلسنه دائر کوملیجه سنجانی بدایت محکمه سی جزا دائره سندن ایکنجی دفعه اوله رق اعطا قناتان ۴۰۶ نومروی اعلام

اشقیابه یتاقلق ایلدیکی ادعا اولمسنندن دولای جانیله اتهام اولتان مالدان ولد رادوشک اوچر سنه مدله کورک قونلسنه دائر سنیچه سنجانی بدایت محکمه سی جزا دائره سندن اعطا قناتان ۱۵۸ نومروی اعلام محکمه تمیز جزا دائره سنک تصدیق قلمشدر .

۵۳۶ نومروی نسخه ده مندرج درسمات جنایت محکمه سی اعلامنک بقیه سی :

اولا مرقوم قصاب احمد ادینک یولی بکلیه رک ودوستی امینه شریفندن طولانی کیندار اوله رق جرح ایتدیکی شهادت واقعه ایله مقتولک افاده سندن عیان وشاهدلردن صادق افندی حقه ده کی طعنک مردودتی شهادت واقعه صادق افندی بی مصدق اولمسنندن مستبان اولمسنه کوره ادینی تمعداً قتله جرأت ثانیاً یونس وقعه سی عقینده مهملردن توفیقده استعمال اولتامش برق چیقمش وحسینده برکونه الت جارحه بولتامش اولمسنه وقصاب احمدک ایسه زردینه المش اولدینی قاتلنده بولمسنه واقعه ایلدیکی مدافعه شهودینک برقمسی عدم معلومات ابراد وبرقمسنک دخی حسینک برقادین ایچون یاتیورم دیش اولدینی یاد ایتسنه واحد اسناد ایدوب حسین اوبله سوزلر سولیس بیه یونسک قتل ماده سنده قادین سبیتی بیخی کچامسندن علمنه استعمال اوله جق معنی چیقمامسنه وابندا مقتوله برتوقات اورمسنه نظراً یونسی قصاب احمدک بالتهور قتل ایله ابراز شرت ثالثاً علی نظرک

جرحی کیغورقک خبر ویرمسنه ومرقوم علی نظرک جارحی مرقوم قصاب احمد اولدینی تعیین ایتسنه وجریحه اعضاسنک الذنازلک اولان بوبنده بولمسنه منی مرقوم علی نظری دخی قتل قصدیله جرحله اظهار اسانت ایتدیکی رابعاً ایکی شاهدک شهادتندن مستفاد اولدینی وجهله دخی عبد اللهی ضرب ایتش ایدوکی بیانات کافیه وقرائن قاطعه ایله تین واسباب مشروحه به قارشو مرقوم احمدک انکار کیفیت ومدافعه وکیلی ارتین زیاجیان افندینک برطاقم مدافعاته طلب برأت ایتسنک واهی ایدوکی تین ایتش وعدالت سنیه احقاق حقه مصروف اولوب خصوصات مشروحه دن طولانی تدقیقات جاریه نیک چونکه حالی میدانه چیقارمسی عین عدالت وحسین ایله توفیقک یونسک قتله مرقوم احمد مشارک ومعاونته بولندقنلری اکلاشیله یوب یالکزن ضریه مجاسرت ایتدکاری مثبت بولمش اولدیغندن معاون موسی الیه کده مرقومان توفیق وحسینک یونسک قتله مرقوم احمد معاونته بولندقنلری حقه ده کی مدعیانی غیر مصیب بولمشدر بناء علیه مهملردن قصاب احمد نام سفاک وشیررک ۳۲۱ سنه سی اغسترسنک یکرمی بشنجی کونی وزیرخانی ارقمسنده کی زقاعده ترکلجی ادبی بالتصور وسنه مذکوره نشرین اولنک اوچنجی بازار ایتسی کیجه سی جنرلی طاشده قاسمک قهوه خانه سنده آراهی یونسی بالتهور جرح وقتل وینه سنه مذکوره جزیراننک التبی بازار ایتسی کونی والده خانی قیوسی اوکنده نظر علی بی قتل قصدیله جرح وینه سنه مذکوره مایسنک یکرمی ایکنجی کونی عبد اللهی ضرب ایلک فعللرنک فاعلی اولق اوزره مجرمیتسه ویکرمی متهم توفیق وحسینک دخی یونسی ضرب ایتشک فعلنک فاعلری اولدقنلرینه وجاهاً ومتفقاً قرار ویریلرک محاکمه اوطه سنه عودتله قرار مذکور علناً قرائت ونفهم اولندقده معاون موسی الیه مجرم احمدک قانون جزانک یوز یتشنجی وحسین وتوفیقک یوز یتش طقوزنجی ماده لرینه توفیقاً تعیین جزالری طاب وادعا ومدافعه وکیللردن نجاتی افندی موکللرنیک تخفیف جزالری استدعا وارتنن زیاجیان افندی ایله توفیق وحسین ومجرم احمدک دیکلری اولدیغنی انبا ایتلریله بوجهت حقه ده کی محاکمه نیک دخی ختام بولدینی طرفینه اکلا دیهرق تکرار مذاکره اوطه سنه کیدلدی .

جهت جزائیلری دخی مذاکره اولندقده مجرم احمدک اعظم جرمی اولان بالتصور قتل فعلندن طولانی حرکتی قانون هاپون جزانک یوز یتشنجی وتوفیق وحسینک قانون مذکورک یوز یتش طقوزنجی ماده لرینه موافق یوز یتشنجی ماده سی برکیمسنه نیک

تمعداً قاتل اولدینی تحقیق ایلر ایسه قانوناً اعدامه حکم اولنور و یوز یتش طقوزنجی ماده سی جرح وضرب اگر ماده سابقه ده مذکور اولان درجه دن خفیف اولور ایسه جارح وضارب اولان کیمسه برهفته دن برسنه به قدر حبس اولنور یا خود بوکا بدل برمجیده التونندن بش مجیدیه التونه قدر اچیه التوب مجروح ومضروب ویریلور ویا خود بصورتلرک ایکسی بردن اجرا اولنور عباراتی ناطق اولدیغندن مرقومندن احمدک مذکور یوز یتشنجی ماده احکامنه توفیقاً اعدامه وتوفیق وحسینک دخی مذکور یوز یتش طقوزنجی ماده حکمنه تطبیقاً وسرخوش اولماری ومقدمه قتله سبب ضریه اشتراک ایتلری جزالری تشدیداً وابستای توقیف لری اولان ۳۲۳ سنه سی شعبانک اون سکن زنجی کوندن اعتباراً التیشر ماه مدله حبس ایدملرینه ومصارف محاکمه اولان جمعا اوچوز اون غروشک دخی مرقومون احمد وحسین وتوفیقندن نظر علینک جرحندن استطاق وضبط خرجلری اولان اوتوز وعبد اللهک ضربندن استطاقاً وبدایه واستیناف وقوعولان ایکسوز اوتوز غروشه من حیث المجموع ایکسوز التیش غروشه بشقه جه احمدن بالتحصیل تسلیم وزنه ایتدیرلسنه ۳۲۲ سنه سی جزیراننک اون بشنجی کونی مرقومندن توفیق وحسین حقه ده قابل تمیز اولق اوزره وجاهاً ومتفقاً قرار ویریلرک اصول تفهیمی اجرا قلندی .

یورکینک نیقولنک ساعتی سرقت ایلدیکی نابت اوله مدیغندن برائنه

تورینک سرسرلیکی اکلاشیله مدیغندن برائنه حسینک احمدک اشیاسی سرقت ایلدیکی نابت اوله مدیغندن برائنه

آرتینک لیونیانک اموال منقوله سنه ایرات خسار ایلدیکی نابت اوله مدیغندن برائنه

بکرک هادینک سندی چاک ایلدیکی اکلاشیله مدیغندن برائنه

رضا ایله غلطه ده برالوزده اوشاق ایشاقی جرح ایدن عملدن ابراهیمک التی وحسنی جرح ایدن رضانک اوچر آئی مدتلره حبسلرینه

خلاف تنیه حرکتی نابت اولان غلطه ده ساکن یورکیدن بش ایشک جزای نقدی اخذینه

یکدیگری ضرب و جرح ایدن بکرزاده زقاعده

ساکن مارقونک برهفته حبسنه ونیقوله ایله پنا یوطک

دخی اون بشر کون مدتلره حبسلرینه

قهوه چی محمد حسینی ضرب وجسماً اذا ایلدیکی

نابت اولان کال افندینک یکرمی کون حبسنه

دیوارچی استاوری بی جرح ایدن یونانی یاننک برآی حبسیله برابر کندوسندن اوچ لیرا التهرق مجروح اعطاسنه

پترو لوجیجه محل ناموس سوز سوبلیدیکی نابت اولان قوندره بویاجیسی قوچونک اوچ کون حبسنه

ایشاقی ضرب ایتدیکی نابت اولان یاقودن برالتون آله رق مدعی به اعطاسنه

محرری ضرب ایتدیکی نابت اولان ایشاقک برهفته مدله حبسنه

قادونک خانه سندن سرقته جرأت ایتدیکی نابت اولان لازارینک بش ماه مدله حبسنه وختام مدته ضابطه جه کفالتله ربطه

صوادرا کینک یوسفی ضرب ایتدیکی نابت اولمغله برهفته مدله حبسنه

نظیره خاتک حسنه اطاله لسان ایتدیکی نابت اولمغله یارم التون جزای نقدی اخذینه

یاقونک وارطانی ضرب ایتدیکی نابت اولمغله برالتون التهرق مدعی به اعطاسنه

ذوالکفلاک سرسری اولدینی نابت اولمغله برماه مدله حبسنه وختام مدته ضابطه جه مملکتته طرد وتبعیدینه

آشچی راشدک تجره سنس سرقت ایتدیکی نابت اولان مصطفانک بش ماه مدله حبسنه وختام مدته ضابطه جه کفالتله ربطه

عزت ایله زوجسی عالیه خانی ضرب ایتدیکی نابت اولان صلاح الدینک اون کون مدله حبسنه

حافظ شکری افندینک حسین حسینی جرح ایتدیکی نابت اولمغله اون بش کون مدله حبسنه

صوراندی بیحاله جرح ایتدیکی نابت اولان یاننک اون بش کون مدله حبسنه

عمری ضرب ایتدیکی نابت اولان رضادن برالتون التهرق مدعی به اعطاسنه

قهوه چی جودنک قومیسر عاکف افندی به اجرای وظیفه حالنده حقاتر ایتدیکی نابت اولمغله برهفته مدله حبسنه

بالقبی قسطنینک ایتسی ضرب ایتدیکی نابت اولمغله برالتون التهرق مدعی به اعطاسنه

ادهی ضرب و جرح ایتدکاری نابت اولان محمد بن عبده ومحمد بن احمد ومحمد بن قیردن برالتون التوب ادهمه ویرلسنه

اورامک پولیس محمد نائل افندی ضرب ایتدیکی جهته برهفته حبسنه

انسطاشک التی ضرب ایتدیکی نابت اولدیغندن

مرقومدن ایکی التون التوب التی به ویرلسنه

بندہ خانمک شاہین خانمہ اطالہ لسان ایتدیکئی ثابت اولدیغندن یارم التون جزای نقدی اخذینہ بکریک عبدالرحمنی ضرب ایتدیکئی ثابت اولدیغندن برالتون التوب مضروبہ ویرلسنہ نسیمہ ناموسہ طوقور سوز سویلدیکی تین ایدن پیری پاشاده قهوه جی میشونک بش کون حبسنہ قهوه جی شوقینک باقیرلرینی سرقت ایلدیکئی تین ایدن آرابه جی یوسفک سابقه لی بولمسی حبسیله برسنه مدتله حبسنه

پولیس محمد افندی به اجرای مأموریت حالده معامله تحقیرده بولندقلری و خلاف تنیه سلاح طاشدقلری تین ایدن قاسم پاشاده ساکن ایرانی اسماعیل ایله قوندره جی حسنندن برز بچق التون جزای نقدی اخذینہ

بدریه خانمک اشیا سنی طولاندردینی ثابت اولان قاسم پاشاده ساکنه فاطمه خانمندن برالتون جزای نقدی اخذیه برابر اوج ماه مدتله حبسنه و اشیا بدلی اولمق اوزره سکسان غروشک تحصیلله بدریه خانمہ اعطاسنه ملاتی نام شخصک تین ایدن خلاف تنیه حرکتدن ناشی بش بشلک جزای نقدی اخذینہ واپور عمله سندن اوستریالی واسیلک خلاف تنیه حرکتی تین ایتدیکندن ایکی بشلک جزای نقدی اخذینہ

یکدیگری ضرب ایلدکلری ثابت اولان طوپخانه ده قره باشده ساکن اتمکچی مولود وعلینک بر هفته حبسلرینہ

نیقولی جرح ایدن غلطده ساکن اوستریالی دلسز لوقه نیک اون ایکی کون حبسنه و درت لیرا اجرت جراحیه نیک تحصیلنه سوپرک ایله آوا که اطالہ لسان ایدن آصادورک بر هفته حبسنه و زابل ایله آغوبدن برلیرا جزای نقدی آلمسنه

عبدالکریم افندی به مغل ناموس سوز سویلدیکی ثابت اولان بوزاز کسانده غنیمه خانمندن برلیرا جزای نقدی اخذینہ

مارینی ضرب ایلدیکئی ثابت اولان بویاجی قریه سنده ساکنه تقوهیدن ایکی لیرا اخذ اولنه رق مضروبہ اعطاسنه استاورینک جاملرینی قیردینی ثابت اولان سینم کوبینده ساکن صفردن اون بش بشلک جزای نقدی آلمسنه

صی آغوبی طاش آتمق صورتله جرح ایدن صاری یارده ساکن یورکیدن ایکی لیرا النهرق مجروحہ اعطاسنه

نیقولی ضرب ایدن اسپرونک اون بش کون حبسنه

خیریه ضرب ایدن فاطمه نیک بر هفته حبسنه یوسفی ضرب ایدن محمدن برالتون التوب یوسفه ویرلسنہ

اریخی ضرب ایدن واسیلدن ایکی التون التوب اریخی ویرلسنہ خرسونی بچاقله جرح ایدن یورکینک بر ماه حبسنه

پولیس اسماعیل افندی به حقارت ایدن رادوچودن برالتون جزای نقدی اخذینہ

موئیزی ضرب ایدن اوریلک بر هفته حبسنه انسطاشیه ضرب ایدن قوچونک اون بش کون حبسنه

پولیس مرآت افدینک اجرای وظیفه حالنده ایکن دیمتری به سوء معامله ایتدیکندن اون بش کون حبسنه استراپی وواصونک خرسونک اموالنه ایراث خسار ایتدکلرندن اون بشر بشلک جزای نقدی اخذینہ و قیردقلری اموالک بدلی اولان ایکیوز غروشک تحصیلنه

توفیلدوسک اموالنه ایراث خسار ایدن دیمتریدن اون بش بشلک جزای نقدی اخذینہ

کسدینک اشیا سنی اخذ و سرقت ایدن قسطنینک اوج ماه حبسنه

ویرژینی نیک لامبه سنی قیردینی ثابت اولان محمدن اون بشلک جزای نقدی اخذینہ و لامبه بدلی اولان درتیوز سکسان غروشک مرقومدن بالتحصیل ویرژینی به اعطاسنه

دیمتری جرح ایدن استایونک بر هفته حبسنه درسعادت ، بک اوغلی و اسکدار بدایت محاکمی جزا دائره لنجه قرار ویرلمشدر .

مُجَامَلَاتُ اَنْدِیَا هِیْه

عنه قضاسی نائی و بدایت محکمه سی رئیس محمد سعید افدینک مواد معینه ده وظیفه مأموره سنی سوء استعمال ایلدیکئی بغداد ولایتی استیناف محکمه سی مدعی عمومیلکنندن وارد اولان اوراق تحقیقه محتویاتندن کلاشله سنه بنام محاکمه آلتہ آلمسنه عدلیه نظارت جلیله سندن مأذونیت ویریلهرک محله تبلیغات مقتضیه اجرا قلمشدر .

اِخْلَانَات

بجارت بریه محکمه سنه

قاضی قریه سنده اسکی بلدیہ جوارنده ۱۰۸ نومرولی عثمانی بونمارشہ سی صاحبی اولوب تجارت بحریه محکمه سندن افلاسنه حکم اولمش اولان تحفجی مصطفی نائب افدینک خصوصات افلاسیه سنک رؤیت و تسویہ سی ضمنده دعوی وکیللرندن سلیم حسنی و عثمان طلعت و رسائی افدیلر اصالة سندیک تعیین قلمش اولدقلرندن مفلس مرقوم ذمتده آله جفی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفده سنداتی محکمه کاتبه تسلیم ایللری ومدت مذکوره ختامندن صکره اوج کونده یعنی کانون ثانیکن سکزننجی بازار ایرتسی و طقوزنجی صالی واونجی چهارشنبه کونلری تجارت بحریه محکمه سنک مصالح افلاسیه رؤیتنه مخصوص اوطه سنه کلهرک سندیک افدیلر مواجهه سنده آله جقلرینی اثبات وقید و تصدیق ایتدیرملری ومدت مذکوره ده اثبات وجود ایده میان آله جقلولر حقده قانون مذکورک ۲۱۰ نجی ماده سنه توفیقاً ایفای معامله اولنه جفی اعلان اولنور .

کلبوزه قضاسی بدایت محکمه سی اجرا دائره سنه :

درسعادتده قبان دقیقه ذخیره تجارتندن ادهم اغانک یارجه قریه لی حسن افا ذمتده جهت کفالتدن مطلوباتی اولان مبالغک تأمین استیفاسی ضمنده داین مرقوم طرفندن حیز ایتدیریلان ومؤخرأ هرکه فابریقه هایون معلم اولی متوفی موسی بک وره سی جانبندن حیز وضع اولنان مرقوم حسن اغانک هرکه استاسیونی جوارنده طرفینی طریق و دیگر طرفلری محمد رئیس واحمد افا باغریله و حال حاضرده شرقاً کوشک بکجیسی علی افا باغی وغرباً خواجه محرم افندی منزل و باغی شمالاً هرکه قریه سی یولی وجنوباً شمندوفر خطیله محدود اولدینی وضع بدله تحقق ایدن و دروننده یکریمی ساقی زیتون اشجاری ویتش سکسان قدر کراز ودوت و نار فدانلری بولنان بردونم سکزیوز ذراع مقداری باغک تاریخ اعلاندن اعتباراً اون بش کون صکره بالمزایده فروخت اولنه جفی کلبوزه قضاسی بدایت محکمه سی اجرا دائره سندن اعلان اولنور .